

RESOLUCIÓN da Comisión de Selección pola que se aproban e se fan públicas a relación definitiva de persoas admitidas e excluídas, as puntuacións definitivas e a adxudicación definitiva correspondente ao concurso específico de méritos para prover postos de persoal docente en prazas sometidas a convenio ou a programas específicos desta consellería, convocado mediante a Orde do 21 de maio de 2024 (DOG n.º 106, do 3 de xuño) (código de procedemento ED013C)

Mediante a Orde do 21 de maio de 2024 convocouse concurso específico de méritos entre persoal funcionario de carreira e en prácticas dos corpos docentes que imparten ensinanzas reguladas na Lei orgánica 2/2006, do 3 de maio, de educación, para prover postos de persoal docente en prazas sometidas a convenio ou a programas específicos desta consellería (DOG n.º 106, do 3 de xuño).

Pola súa banda, mediante Resolución do 4 de xullo de 2024 da Comisión de Selección apróbanse e fanse públicas con esta data no portal educativo, a relación provisional de persoas admitidas e excluídas, as puntuacións provisionais e a adxudicación provisional correspondente ao concurso específico de méritos para prover postos de persoal docente en prazas sometidas a convenio ou a programas específicos desta consellería.

A súa vez, a base novena da citada Orde do 21 de maio de 2024 encomenda á Comisión de Selección, entre outras funcións, resolver as reclamacións que se presenten contra a antedita resolución provisional, ditar a resolución pola que se aproba e publica a relación definitiva de persoas xunto co seu baremo definitivo, así como daquelas que se exclúen definitivamente, coa causa de exclusión e elevar a proposta ao órgano de resolución, isto é, á persoa titular da Consellería de Educación, Ciencia, Universidades e Formación Profesional, da adxudicación das prazas ofertadas ás persoas previamente seleccionadas.

Unha vez finalizado o prazo de presentación de reclamacións e renuncias e analizadas e resoltas as reclamacións e renuncias formuladas polas persoas concursantes nesta convocatoria, de acordo co disposto na base décimo cuarta da dita convocatoria procede aprobar a relación definitiva de persoas admitidas e excluídas, o baremo definitivo e a proposta de selección definitiva e facelas públicas no portal da Internet desta consellería, www.edu.xunta.gal

En consecuencia co que antecede, esta Comisión de Selección

RESOLVE

Primeiro. Aprobar e facer pública, no portal da Internet desta consellería www.edu.xunta.gal, como anexo I desta resolución a relación definitiva de persoas candidatas admitidas e excluídas, coa especificación da/s causa/s de exclusión así como as puntuacións definitivas asignadas como resultado da aplicación do baremo que rexe de conformidade coa base sétima desta orde.

Segundo. Adxudicar de xeito definitivo e facer público na páxina web desta consellería www.edu.xunta.gal, como anexo II desta resolución, o destino das persoas concursantes seleccionadas para cubrir as prazas que se especifican, consonte ao establecido na base décimo cuarta desta orde e segundo a orde de prelación sinalada polas persoas concursantes na súa solicitude.

Ao tempo, declarar desertas as seguintes vacantes pola casuística que se explicita:



N.º POSTO	DESTINO	MOTIVO DA DECLARACIÓN DE DESERTO
2	Hospital Clínico de Santiago	NON ACADAR AS PERSOAS SOLICITANTES A PUNTUACIÓN MÍNIMA REQUIRIDA PARA O PROXECTO
18	Escola de especialidades Antonio Escaño- Ferrol (A Coruña)_Equipos Electrónicos	NON ACADAR AS PERSOAS SOLICITANTES A PUNTUACIÓN MÍNIMA REQUIRIDA PARA O PROXECTO
21	ASPANAES (Asociación de Padres de Personas con Trastorno del Espectro Autista de A Coruña)	RENUNCIA

Cuarto. De conformidade coas atribucións conferidas a este órgano na base novena e ao abeiro do establecido na base décimo cuarta da citada orde, elevar, ao órgano de resolución, isto é, á persoa titular da Consellería de Educación, Ciencia, Universidades e Formación Profesional, a adjudicación das prazas das persoas seleccionadas, no citado anexo II, que se propoñen para prover os postos de persoal docente en prazas sometidas a convenio ou a programas específicos desta consellería convocados mediante a citada orde.

Asinado electronicamente en Santiago de Compostela

O presidente da Comisión de Selección

José Carlos Barros Pardo

